


# Apay a masapul a maeksamenak para iti Saan nga Aktibo a Sarut (TB)?

Ti sarut, wenna sakit a TB, ket makaakar la unay ken mabalin a makapatay. Mabalin nga agbiag dagiti mikrobio ti TB iti uneg ti bagim iti adu a tawen a saan a mangparparnuay kadagiti sintomas. Maawagan daytoy kas saan nga aktibo a TB wenna latent nga impeksion ti TB. No awan ti panagagas, posible nga agbalin nga aktibo a sakit a TB ti saan nga aktibo a TB iti aniaman a tiempo ken pakaigapuan tapno agsakitka. No agbalin nga aktibo ti TB, mabalin a maiyakar daytoy iti sabali a tao babaen iti angin. **Masaluadam ti bagim, ti pamiliam ken gagayyemmo, ken ti komunidadmo no agpaeksamen ken agpaagaska para iti saan nga aktibo a TB.**

## 1 Panunoten Adda ka kadi iti peggad iti impeksion ti TB?

Milyon a tattao iti Estados Unidos ti addaan iti saan nga aktibo a TB ngem di da ammo daytoy.

Uray siasino ket mabalin a makaala iti TB, ngem nangatngato ti peggadmo iti TB no sika ket:



**Mabalin nga adda ka ti peggad iti TB uray pay no nakaawatkan ti bakuna iti TB (maawagan met a kas bakuna a BCG) gapu ta agmunaw ti proteksionna iti panaglabas ti tiempo.**

## 2

### Eksamenen

Kasanoka a maeksamen para iti impeksion ti TB?

Adda dua a kita ti eksamen para iti impeksion ti TB. Kapatangmo ti mangipapaay ti pannaripato ti salun-at mo no ania nga eksamen ti kasayaatan para kenka.



Eksamen ti  
Dara para iti  
TB

Mabalin nga irekomendar ti mangipapaay ti pannaripato ti salun-atmo ti eksamen ti dara para iti TB gapu ta mabalin nga aramiden daytoy iti maysa a panagbisita, ken ad-adda nga umiso no nabakunaan ka para iti TB idi. Rukoden ti eksamen ti dara ti reaksion ti resistensia ti bagim kadagiti mikrobio a mangpamnuay iti TB.



Eksamen ti  
Kudil para iti  
TB

Para iti eksamen ti kudil, mausar ti bassit a dagum tapno ikabil ti materiales ti panageksamen iti sirok ti kudil. Masapul nga agsublikanto iti mangipapaay ti pannaripato ti salun-atmo iti 2-3 nga aldaw tapno kitaenna no adda reaksion.

## 3

### Agasan

Ania dagiti pagpilian a panagagas?

No addaanka iti saan nga aktibo a TB, sidadaan dagiti apagbiit ken nanam-ay a panagagas a makatulong a mangsaluad kenka manipud panagsakit iti aktibo a sakit a TB.

Ti panagagas iti saan nga aktibo a TB ti kasayaatan a wagas tapno masaluadanka manipud iti aktibo a sakit a TB. Kapatangmo ti mangipapaay ti pannaripato ti salun-atmo maipanggep kadagiti ag-agasmo ken dagiti pamuspusan iti komunidad a nakasagana a mangsuporta kenka iti plano ti panagagasmo.



**Mabalin a sakupen dagiti publiko ken pribado a plano iti pannaripato ti salun-at dagiti gastos iti panagpaeksamen ken panagpaagas para iti impeksion ti TB.**



Tapno maammuan ti ad-adu pay maipapan iti TB ken no kasanom a saluadan ta bagim ken ti dadduma, bisitaen ti [www.cdc.gov/thinktesttreattb](http://www.cdc.gov/thinktesttreattb)